

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**



**ДОМ НАРОДА  
ПРЕДСТАВНИЧКИ ДОМ**

Зajедничка комисија оба дома  
Парламентарне скупштине Босне и Херцеговине  
за постизање идентичног текста Закона  
о измјенама и допунама Закона  
о забрани дискриминације

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA  
PREDSTAVNIČKI DOM / ZASTUPNIČKI DOM**

Zajednička komisija za oba doma  
Parlamentarne skupštine Bosne i Hercegovine  
za postizanje identičnog teksta Zakona  
o izmjenama i dopunama Zakona  
o zabrani diskriminacije

Zajedničko povjerenstvo obaju domova  
Parlamentarne skupštine Bosne i Hercegovine  
za postizanje istovjetnog teksta Zakona  
o izmjenama i dopunama Zakona  
o zabrani diskriminacije

Broj: 01,02-02-1-341/16

Sarajevo, 28.7.2016.

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO**

PRIMLJENO: 28-07-2016			
Organizaciona jedinica	Klasifikaciona oznaka	Redni broj	Broj priloga

**PREDSJEDAVAJUĆEM PREDSTAVNIČKOG DOMA  
PREDSJEDAVAJUĆEM DOMA NARODA  
PARLAMENTARNE SKUPŠTINE BOSNE I HERCEGOVINE**

Na osnovu člana 129. stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15) i člana 120. stav (3) Poslovnika Doma naroda Parlamentarne skupštine BiH ("Službeni glasnik BiH", br. 58/14, 88/15 i 96/15), Zajednička komisija oba doma za usaglašavanje teksta Zakona o izmjenama i dopunama Zakona o zabrani diskriminacije, u kojoj su: Nermina Kapetanović, Jovan Vukovljak i Nikola Lovrinović iz Predstavničkog doma, te Halid Genjac, Ljilja Zovko i Darko Babalj iz Doma naroda Parlamentarne skupštine BiH, podnosi

**IZVJEŠTAJ**

**o usaglašavanju teksta Zakona o izmjenama i dopunama Zakona o zabrani  
diskriminacije**

Predstavnički dom Parlamentarne skupštine BiH je na 31. sjednici, održanoj 15.6.2016., usvojio u drugom čitanju Prijedlog zakona o izmjenama i dopunama Zakona o zabrani diskriminacije, predlagača Vijeća ministara BiH, s devet amandmana Zajedničke komisije za ljudska prava.

Dom naroda Parlamentarne skupštine BiH je na 21. sjednici, održanoj 14.7. 2016., usvojio u drugom čitanju Prijedlog zakona o izmjenama i dopunama Zakona o zabrani diskriminacije, predlagača Vijeća ministara BiH, s devet amandmana Zajedničke komisije za ljudska prava.

**Dom naroda je, osim navedenog, usvojio i amandman koji je na sjednici predložio delegat Halid Genjac, a koji glasi:**

#### **Amandman I.**

U Prijedlogu zakona o izmjenama i dopunama Zakona o zabrani diskriminacije, u članu 6. u stavu (2) rečenica: „Iza stava (1) dodaje se novi stav (2) koji glasi:“ mijenja se i glasi: „Stav (2) mijenja se i glasi:“.

U stavu (3) rečenica: „Dosadašnji stav (4) postaje stav (3)“ mijenja se i glasi: „Stav (3) briše se, a dosadašnji stav (4) postaje stav (3).“

S obzirom na to da je Zakon o izmjenama i dopunama Zakona o zabrani diskriminacije usvojen u različitom tekstu u odnosu na Predstavnički dom, Dom naroda je u Zajedničku komisiju za usaglašavanje teksta zakona imenovao: Halida Genjca, Ljilju Zovko i Darka Babalja.

Predstavnički dom je na 33. sjednici, održanoj 19.7.2016., u Zajedničku komisiju za usaglašavanje teksta Zakona o izmjenama i dopunama Zakona o zabrani diskriminacije imenovao: Nerminu Kapetanović, Jovana Vukovljaka i Nikolu Lovrinovića.

**Predmet usaglašavanja je Amandman I. predložen i usvojen na 21. sjednici Doma naroda Parlamentarne skupštine BiH.**

Sekretari oba doma Parlamentarne skupštine BiH zakazali su 1.sjednicu Zajedničke komisije za 28.7.2016. Na konstituirajućoj sjednici izabrani su: Halid Genjac za predsjedavajućeg Zajedničke komisije, Jovan Vukovljak za prvog zamjenika predsjedavajućeg i Ljilja Zovko za drugog zamjenika predsjedavajućeg Zajedničke komisije.

Nakon toga vođena je rasprava o postizanju identičnog teksta zakona.

Nakon rasprave, Zajednička komisija jednoglasno je postigla sporazum o identičnom tekstu Zakona o izmjenama i dopunama Zakona o zabrani diskriminacije, kako je usvojen u Domu naroda Parlamentarne skupštine BiH.

Zajednička komisija predlaže Predstavničkom domu i Domu naroda Parlamentarne skupštine BiH da usvoje ovaj izvještaj Zajedničke komisije i prihvate jedinstveni tekst Zakona o izmjenama i dopunama Zakona o zabrani diskriminacije, koji je Zajednička komisija usvojila.

Za izvjestioca na sjednici Predstavničkog doma Parlamentarne skupštine BiH imenovan je poslanik Jovan Vukovljak, a za izvjestioca na sjednici Doma naroda Parlamentarne skupštine BiH imenovan je delegat Halid Genjac.



PREDSJEDAVAJUĆI ZAJEDNIČKE KOMISIJE

Halid Genjac

Dostavljeno:

- naslovu
- a/a